

一字奇特佛頂經卷下

尹三

特造試湯臘卿齋善寺三歲沙門廣譽不奉 詔譯

調伏一切障類那夜迦天王品第七

尔時曼殊室利童真菩薩摩訶薩於世尊說法知究竟已合掌親近世尊頭面禮足右遶三而退坐一面曼殊室利童真菩薩白佛言

世尊如是有情生於四生長養無始生死於六道世尊此有情聚有情海有情增減盡不可得云何世尊如來三摩地應見色相好特如世尊說持此真言王菩薩摩訶薩得不退轉乃至次第證無上正等菩提世尊云何入法門理趣云何安立法功德云何三摩地法

界大威德為廣博攝示現

尔時世尊微笑作是言善哉善哉曼殊室利復言善哉曼殊室利汝問如來如是義多人利益安樂矜愍世間天人法尔若佛世尊作微笑從口出種種色光所謂青黃赤白紫玻璃銀色照無量世界乃至梵世映蔽日月光

復來入佛口中尔時曼殊室利童真菩薩摩訶薩知相者知相已以此義以伽他讚揚世尊

妙見能現色相者 八十隨形端嚴者
尋光妙光圓滿光 如是為我說笑因
忍辱十力持進者 精進高踊無傾動

眼目愛樂見四諦 為我說此微笑因
梵王天眾及一切 頭面頂禮於如來
瞻仰恭敬而觀察 為我說此微笑因
如山善行行妙行 定慧踊起智光明
解脫堅力真實見 為我說此微笑因
金剛身性堅難壞 那羅延志人中勝

梵音妙音文殊音 為我說此微笑因
獲得光明離幽暗 普見眼目平等住
功德殊勝得堅勇 為我說此微笑因
汝尊已轉勝法輪 以佛頂聲於人天
并龍藥叉及一切 為我說此微笑因
尔時頂行持童子形垂髫為上首百千障者

圍遶以佛威神威怒加持從座而起偏袒右
 肩於世尊合掌作禮已白佛言世尊我一切
 障者毗那夜迦中主世尊一切障者遵奉我
 一切障者屬於我觀彼一切障毗那夜迦告
 言汝等障毗那夜迦諦聽於一切世界作障
 者於成就人不饒益者罪忿怒惡鬼魅等世

尹三

二

尊從今已後成就頂輪者此大忿怒真言晨
 朝若誦七徧世尊我等於彼一切作障毗那
 夜迦令遠離若作成就不令起魔障不令身
 心散動世尊若以此大忿怒真言常作加護
 者彼持明成就明王者我等作加護遮刑罰
 為作息災作吉祥作一切利益世尊從今已

後於頂輪教王勤行者修真言者不應起障
 心若此如來變化大忿怒王必壞汝等若憶
 念者汝等以此加護汝等從今已後彼修真
 言行者於真言行儀軌所說食蜜油麻葱蒜
 薤蘿蔔鉢跋吒等真言行中所遮修輪王佛
 頂真言成就者若食汝不應執過不應惱害

不應奪悉地不應令心散動以我教令修佛
 頂真言者不應起惡心汝等見彼修行者應
 起慈心勿令汝等移動本處若違我語於彼
 起異心者不得住於阿吒迦縛底王宮金剛
 手祕密主宮違越我教令我當損罰及餘所
 有天龍藥叉乾闥婆阿脩羅伽樓羅緊那羅

摩睺羅伽一切餓鬼毗舍遮起屍作障毗那
 夜迦羯吒布單那拏吉尼等不應於修輪王
 佛頂真言者起惡心令心散動及彼等營從
 若作障難我以金剛杵碎彼頂我語誠實時
 彼一切障將主所謂金剛莊嚴金剛索金剛
 塵金剛鉞斧金剛極笑金剛成莊嚴金剛頂

卅三

三

金剛毗那夜迦能斷如是及餘大障毗那夜
 迦將主從座而起至頂行所到已以一音聲
 作是言如所教令我等一切悉皆作從今已
 後不違越汝尊教令若違越者頭破百分時
 頂行告彼大障毗那夜迦等作障將主我今
 說成就佛頂真言王成就者所有不饒益心

者令百段速疾馳散所有天世毗那夜迦無能作障作如是語已於彼一切大作障將主上首等於一切世界作障者奪悉地者攪擾成就者我說自己真言

那謨囉怛那合二怛囉合二夜耶一娜謨室戰合二拏縛日囉合二波拏上曳二摩訶藥乞又合二細

那波多曳三唵引吽發五吽吽發發娑縛合二

引訶引六

復次頂行說自真言時一切彼金剛莊嚴等大障毗那夜迦皆戰掉驚怖悶絕秘密主加持子故時頂行於大障毗那夜迦以指端擬彼等繞說此真言一切皆起作如是言我及

大障主如來以此真言形住輪王真言殊勝三摩地從今已後起惡心修輪王真言道升進者我之真言曰憶念者汝等於彼成就者不應起障難心我等於彼作擁護由我加護不有障難親近大障將主我略說不應作障難若有作者我以自杵摧汝等頂亦時釋迦

牟尼如來作如是加持由加持故金剛手祕密主從座而起白佛言世尊我說佛頂真言者及修餘真言者大明王如來族蓮華族及我勝作先事法者此大忿怒甘露軍荼利成三昧耶故成就佛頂輪王者灌頂故狂心有情為令不狂故畫此曼荼羅於河岸邊或餘

淨處其地如先所說輪王曼荼羅儀則應緝四肘曼荼羅四門以五色畫曼荼羅中央畫佛世尊坐蓮華從頂出光左右畫八毗那夜迦眾皆坐蓮華彼等名所謂金剛莊嚴金剛塵金剛索金剛鉞斧金剛極笑金剛成莊嚴金剛頂金剛毗那夜迦能斷皆如本形請佛

尹三

四

以本真言餘皆以此真言

娜謨囉怛那合二怛囉合二夜耶一娜謨室戰合二拏縛日囉合二波拏上曳二摩訶藥乞又合二細那波多曳三那莫室戰合二拏縛日囉合二句路馱耶四唵五虎嚕虎嚕六底瑟姪合二底瑟姪七合二滿馱滿馱八呵那呵那九阿蜜哩合二帝

吽發娑嚩_{引二合}訶_{引十}

以此大忿怒王真言加持迦羅奢供養種種飲食懸蓋幢幡然酥燈以此真言應作一切加護師應與灌頂於聖捨施殊勝物如先所說壇儀軌令入作灌頂已一切天龍藥叉乾闥婆阿脩羅迦樓羅緊那羅毗舍遮等不為

障難地下阿脩羅女持明天及餘皆隨順一切毗那夜迦族見持明者皆馳散從此已後諸毒癩癰蠱毒皆不得便一切明真言聖眾皆隨順此中纔灌頂持明者所發起成就一切皆獲得彼有情果報所得聖甘露軍荼利法灌頂如不淨信者矯誑者於師長不恭敬

者不應令入灌頂令淨信者求囉惹愛敬者求上上成就由七番灌頂其人所有殊勝寶物施於聖眾及師彼人福勝七輪王遇此曼荼羅由入此得灌頂一心住禁具精進不耽著具戒令師歡喜彼一切悉皆獲得無疑尔時觀自在菩薩摩訶薩以佛威神之力從

尹三

五

座而起偏袒右肩右膝著地於蓮華臺於世尊前合掌禮已白佛言世尊修佛頂真言王者我說護持令一切作福報故一切惡毗那夜迦等令作慈心我族中堅實從我蓮華生大真言王我今說佛言汝今說之為利益有情大悲一切增益作成故汝自己蓮華所

生大忿怒王應當說之修佛頂真言者利益安樂天人故時觀自在菩薩摩訶薩并得大勢菩薩右遶釋迦牟尼佛七帀入蓮華大警覺名大菩薩三摩地說此大真言

娜謨囉怛那_{合二}怛囉_{合二}夜耶_一娜莫阿哩野_{合二}囉盧吉帝濕嚩_{合二}囉耶_二冒地薩怛嚩_{合二}

野摩訶薩怛嚩_{合二}耶_三摩訶冒地薩怛嚩_{合二}引奴枳娘_{合二}多_引耶_四度那度那_五馱囉馱囉_六冒地薩怛嚩_{合二}鉢囉_{合二}底半寧_七娜呵_八跋遮跋遮_九阿羯哩灑_{合二}耶阿羯哩灑_{合二}耶_十吽發_{十一}大菩薩纔說忿怒王真言摩醯首羅帝釋焰

摩水天俱尾羅那羅延等及迦樓羅緊那羅
摩睺羅伽一切集會及餘天類母天部多障
毗那夜迦等皆從座起於佛世尊歸依惟願
世尊救濟我惟願善逝救濟我世尊以大菩
薩光明逼惱我等皆失自神通今時釋迦牟
尼佛以彈指令觀自在菩薩摩訶薩起則剎

那頃觀自在菩薩摩訶薩從彼菩薩三摩地
不瞬目觀佛觀已告彼一切摩醯首羅帝釋
梵王天等言若有善男子善女人修此輪王
佛頂若持此經早起散華作曼荼羅以塗香
華等以淨信讀於菩薩真言行行汝等人者
於成就者一切天王一切阿脩羅王一切龍

王一切迦樓羅王一切乾闥婆王一切摩睺
羅伽王一切毗舍遮鬼神王等皆於成就輪
王佛頂者作擁護當修之時汝當供養等物
於彼人起障難若修輪王佛頂真言者我從
蓮華所生忿怒王若常誦者我自當於彼作
加護何以故如來則此輪王形任是故善男
子如是修輪王佛頂真言者任十地菩薩尚
作加護如是汝等天王亦於彼勤修菩薩行
并營從眷屬觀如佛想彼天等咸作是言大
菩薩從今已後修此輪王佛頂真言者若稱
汝尊真言此法教若讀若淨信於彼皆作擁
護令彼有威力念力精進慧力三摩地力得

果報由汝尊真言作警覺我等皆作以佛加
持乃至作一切利益皆奉教

一字奇特佛頂經最勝成就品第八
今時釋迦牟尼如來復告金剛手秘密主言
復次秘密主我今說輪王佛頂成就業汝諦
聽眷屬真言心及隨心一切成就事業依根

本真言儀軌已作先事法於牛欄成者以手
按所成就物
牛黃或雌黃 或復一切寶 鬼神敬愛故
智者調百八 勝儀清淨者 矜愍諸有情
一心者決定 其物得光明 若暖得空行
煙成爲最勝 光垂空吉祥 彼時得輪王

由烟得隱身	暖相成敬愛	所成就等物
成就皆無礙	禮敬大制底	及作宰堵波
少福者成就	決定不應惑	曼荼羅灌頂
慇懃應當入	彼見曼荼羅	慇懃受灌頂
過現二罪滅	憂怖及諸魅	若作諸天等
鈎召諸凡類	廣供養佛像	後應以蓮華
乳糜及酥蜜	千數應護摩	誦終天赴召
帝釋及舍支	何恐王類等	應作鈎召事
所有天妙事	及諸人間事	能作一切事
由誦頂輪王	諸毒暴惡形	諸魅峻威力
諸疾難療者	善作諸事業	定意誦千八
若作諸小事	於諸降伏事	相應諸事業
赤白芥油麻	毒苦棟大指	一切應護摩
為令摧彼生	大菩提妙樹	吉祥下天處
及轉法輪處	示現神通處	靈鷲吠舍離
共藍毗尼林	拘尸城等處	速疾現成就
乃至佛真言	一切成無疑	於彼無障難
無有魔惱害	是故於彼處	說速疾成就

及餘寂靜處	於山峯大河	悅意池恒河
於彼殊勝處	如是所說處	安像不亂意
從師得灌頂	然後作成就	先行知儀軌
應作如是事	七月大勤勇	心及隨心明
以甲熬懃護	當於神通分	慇懃作念誦
滿月起成就	供養於佛像	應供三白食
獻於一切佛	菩薩及聲聞	隨力及緣覺
應獻金剛手	飲食等供養	
則坐茅薦或結跏趺坐	一心獻自身於佛	菩薩
薩燒沉水香供養於佛	施與一切鬼神食	及
餓鬼毗舍遮等	則結大忿怒無能勝印	於諸
障難者真言相應擲	一切障者皆壞散	由此
印相應以二羽互交	二蓋面相合各屈上節	
右壓左以二輪各壓餘	三指甲	
夫結此印先觀自為無能勝	忿怒王加持作	
恐怖形狗牙上出種種	頭眼光熾盛種種龍	
以為瓔珞身高八萬	四千由旬無量臂持種	
種器仗光明如劫盡時	照曜兩脣頰戰掉觀	

已應以本印加持自身五處結印當心想印
為金剛羅索右足或鉢喇爹哩茶二隨魔所
在方而打即一切障皆退散

名忿怒王印 能壞一切障 如帝釋成就

大天那羅延 及餘大威德 速疾壞諸天

如是印大力 相應不久壞 無有諸有情

尹三

八

所得衆生界 以此印速疾 得調伏無疑

能降一切毒 纔念除諸魔 暴惡諸有情

及諸惡龍等 諸魔大障王 速疾皆滅除

作諸事無疑

如是此大印無能勝大忿怒王於佛頂教修
行者一切大障處應用成辦一切事業則持

明者對像前然酥燈一千八盞有助伴為有
情利益起大悲結輪王根本印念誦乃至中
夜即相現則持真言者應如我決定成就像
動或地動則取先所致香華等供養佛菩薩
及像及一切金剛部香華獻已於金剛手燒
沉水香獻以頂輪王根本真言復結印結跏

趺坐專注一意念誦乃至明相時於中間則
見佛世尊即得五神通得地大菩薩知一切
有情語言威儀得神境通乃至身上出水身
下出火等往詣於帝釋成就者所見彼見成
就者共彼凌虛無量持明圍遶所樂去處皆
隨則至無量復來獲得菩薩行威德無比一

身為多身多身為一身作百千無量變化石
壁及水來去無礙隨意所樂任世如是等由
見如來得百千功德得聞持陀羅尼劫壞時
移餘世界小時釋迦牟尼如來觀金剛手祕
密主說大成就先所說處作先事法於清淨
處安本尊像於神通分滿月有助伴或無助

尹三

九

伴堅固勤勇一日一夜對像前廣大供養獻
三白食外施諸鬼神有轉輪王曼荼羅阿闍
梨盡曼荼羅或從師得印可者自應盡無過
於曼荼羅中張像作護結方隅界如先所說
真言一切印契皆用結跏趺坐本尊以本真
言迎請以一切白華及有香華應供養一切

佛菩薩聲聞緣覺隨有飲食等供養則定意
觀金剛手而作大供養金剛鈎金剛拳菩薩
懇懃供養金剛部智者以華供養即結跏趺
坐對佛前以無煙火燒沉香末一千八徧
誦而護摩則現障難種種惡形以忿怒王印
打當即馳散四方

真言印相應 當擲於四方 設令是王天
及現是帝釋 世間欲自在 魔王大波旬
或自頂行尊 忿怒王當壞 印真言威力
尔時釋迦牟尼如來說此伽佉
大自在天王 或梵那羅延 日天或火天
水月天焰魔 住於曠野者 又王俱尾羅

印真言如教 刹那即滅壞
即成就者一切皆以大忿怒王無能勝令息
隨方所來障難先加持白芥子等令助伴擲
或自擲先別置華香一一加持擲散頂輪王
心作念觀金剛手秘密主令警覺加持故即
魔障皆息從佛頂王出光明照耀三千大千

世界映蔽一切天宮為警覺金剛手故光明
警覺滋澤照耀身從自宮無量百千持明明
王尊上首金剛將蘇摩呼頂行與持明無量
勝慧女使者上首明王妃俱無量大菩薩前
後圍遶無量使者女使者制吒制知奉教及
女奉教無數俱臚千印契俱毗輪王為授與

成就者願故來由先本願故佛世尊不空言
故秘密主來時於其中間一切三千大千世
界六種震動一切天龍藥叉乾闥婆迦樓羅
緊那羅等種種色類於金剛手作供養一切
地獄有情剎那須臾頃得安樂當彼之時無
有一有情互相害者一切世間出世間修真
尹三

言明者以菩薩加持皆得成就則行者先所
置香水闕伽金剛手摩行者頂讚言善哉善
哉大薩埵善哉大丈夫如是菩薩皆讚歎由
金剛手纔摩頂故一切天龍藥叉等及淨居
天雨華於上虛空皆奏音樂一切草樹及山
等皆向金剛手菩薩位靡無有一有情能損

壞者則金剛手祕密主能調無量難調有情以大菩薩慈加持行者授與金剛杵大薩埵此金剛杵為令調伏難調伏有情獲得菩薩地故以慈加持三摩地金剛善男子以此汝作有情利益於佛世尊持金拂於佛世尊護持教令於菩薩行慇懃作祕密主如是語已

須臾隱不現刹那其行者如金剛手難睹與眷屬乃至見人及人見彼皆騰空徧滿光明諸天讚揚雨華所樂有情共騰空得為菩薩得神通調伏難調無能對敵為大持明轉輪王隨意住世與百千眷屬騰空往無量世界見彼佛聞法皆得勝解知一切遊戲神通與

大菩薩住乃至往極樂世界見無量壽如來及見曼殊室利菩薩及餘菩薩共俱以大人相莊嚴頭為頂髻以種種真言教作眾生利益我略說乃至次第生菩提場證無上正等菩提如是一切最勝成就不受灌頂者不應與惡人及不發菩提心者彌戾車不積集資

卅三

十一

報者於和尚阿闍黎毀謗者如說修行者一切皆得成就

一字奇特佛頂經菩薩藏品第九

今時釋迦牟尼如來入攝一切佛頂能摧一切魔三摩地由佛纒入此三摩地於彼時此三千大千世界六種震動出無邊光明以彼

光明照耀乃至十方無量世界皆一切徧徧以大光明照耀於東方金剛幢如來為上首恒河沙數等如來如是西方無量壽如來為上首如是一切攝入佛頂王由入能摧一切魔三摩地故如是北方光明王如來為上首如是南方帝釋幢如來為上首如是上方勝

鬪戰如來為上首如是下方寶蓮華山王為上首如是十方一切如來一切如來皆入頂輪王真言彼等皆入能摧一切魔三摩地彼一切世界所有魔宮皆如一火聚所有魔界眾天子號叫驚怖徧身汗流皆失自神通一切菩薩為供養釋迦牟尼佛故上從虛空兩

華或兩劫樹覆兩蓮華牛頭栴檀衣繒雲等
 所有地獄傍生餓鬼等趣所生有情彼一切
 皆剎那頃得最勝安樂離一切苦逼
 尔時釋迦牟尼如來從彼三摩地起告金剛
 手秘密王言金剛手汝今受此大忿怒王一
 切如來所說為成就頂輪王真言者令作如

護如是一切世界中一切如來皆從彼三摩
 地起各各於世界中為彼菩薩說尔時金剛
 手秘密王遶釋迦牟尼如來應供正徧知百
 千而還坐於寶蓮華座不瞬目觀察而住觀
 已白世尊言世尊惟願說大忿怒王為我成
 就故成就佛頂輪王真言菩薩摩訶薩故時

釋迦牟尼如來以自意樂如鼓音顯暢如海
 聲如大雲震甚深善妙種種廣美如迦羅頻
 伽聲健妙警告無邊世界以如來吼滿一切
 意願令一切菩薩歡悅世尊釋迦牟尼如來
 平等住三千大千世界說無能勝大忿怒王
 南謨三漫多沒馱南一阿鉢囉_二底呵多舍

三

十二

娑那南_二唵_三吽_四尔拏哩致吒_五吽吽發
 娑縛_三引_合訶_九
 金剛手此名無能勝大忿怒能摧一切障毗
 那夜迦能超一切魔道能調一切惡障毗那
 夜迦天龍藥叉乾闥婆阿脩羅迦樓羅緊那
 羅摩睺羅伽等無量百千俱胝佛所說能斷

一切世間出世間忿怒真言能作利益修一
 切佛頂真言能摧無量百千俱胝魔能護修
 頂輪王真言者一切時調伏一切魔障攝入
 頂輪王三摩地時世尊說是大忿怒王時剎
 那頃字句言說聞以佛威神力於此集會曼
 荼羅出大恐怖師子吼現暴怒形世尊釋迦

牟尼佛為哀愍調伏難調有情故作如來事
 故變化大忿怒利益勤修頂輪真言行菩薩
 摩訶薩故示現薩婆若故吼大師子吼如來
 加持如是形像恐怖形狗牙上出種種頭眼
 光熾盛種種龍以為瓔珞身高八萬四千由
 旬無量臂持種種器仗光明如劫盡時照曜

兩脣頰戰掉一切晃曜天龍藥叉輒闍婆阿
脩羅等皆摧伏於一切三千大千世界以威
光映蔽除佛光明及任不思議解脫三摩地
菩薩餘光悉不照曜何以故加持故時大忿
怒王右遶釋迦牟尼佛白世尊言大精進示
教令我作何為依如來教在佛告大忿怒汝

尹三

十三

往於行一切佛菩薩加行者作利益安樂令
獲得不退轉菩薩地故令入一切如來教安
立如來教故為修一切佛菩薩行入大乘調
伏惡有情暴怒難調罪心者壞佛法難調境
毗那夜迦以如是身形令受三歸依故令一
切難調於無上正等菩提發心故於一切世

界作佛事當成衆生利益安樂得無上解脫
道故時大忿王為衆生利益故變化大忿怒
王此三千大千世界以吽聲徧滿一切如來
所說成就真言作一切佛菩薩行以一切如
來加持復說此真言

娜謨三漫多勃馱南 一阿鉢囉二底阿多舍

娑那南二唵三吽 娑囉致上 吒 吒 吒 娑
娑囉引二合訶五引

彼時如來以得勝三摩地忿怒於成就真言
句時見一切大地如劫燒時一切三千大千
世界震極震徧震動極動徧動如是此世界
六種震動一切天龍藥叉輒闍婆阿脩羅迦

樓羅緊那羅等魔官皆震動然徧光明一切
天失自神通皆戰掉一切難調毗那夜迦等
悲惱以光明逼皆歸依佛法僧皆作如是言
世尊從今已後我等咸作一切有情利益一
切障毗那夜迦及餘大威德難調鬼魅等往
詣世尊頭面禮足以一音聲作是言世尊所

有於後末時欲成就此頂輪王真言者若誦
我等與成就今時世尊為彼障毗那夜迦讚
歎善哉善哉大障毗那夜迦善說此語如來
皆隨喜時彼一切障毗那夜迦以一音作是
言世尊為彼善男子勤修頂輪真言者作加
護加其念力今時天帝釋頭面禮足白佛言

世尊我從多如來聞真言行所說世尊若復
 得入轉輪王三摩地變化於此頂輪王三摩
 地得無疑有情積集無量善根世尊若有修
 佛頂真言行得入若受持讀誦廣為佗說世
 尊我等為彼善男子作承事并諸營從時四
 大天王并眷屬白佛言所於村邑聚落王城

尹三

十四

成就此佛頂輪王若念誦所在處流行世尊
 我并眷屬軍營從五由旬作加護世尊若成
 就念誦明王我等四天王并眷屬往於彼供
 侍彼行者所修輪王真言者一切障毗那夜
 迦求便者不得其便時世尊告金剛手言秘
 密主汝說自真言為修頂輪王真言者壞障

故守護息災吉祥故時金剛手得世尊教令
 以佛威神力說自心四字真言明王
 娜謨三漫多勃馱南一阿鉢囉二底呵多舍
 娑那南二縛日囉三吽扶可
 時金剛手說大明王真言時此三千大千世
 界六種震動十方於空中毗那夜迦作吽呵

聲時金剛手作如是言世尊若有成就輪王
 佛頂真言善男子善女人比丘比丘尼發菩
 提心三時誦我真言一遍一切障毗那夜迦
 不得附近我為彼持明持金剛杵作加護一
 切時與成就彼行者真言明令時世尊告金
 剛手言秘密主若受持此輪王佛頂大明王

一切如來三昧最勝若讀若為佗廣說顯示
 為多有情長夜作利益安樂為證如來智故
 修行若有善男子善女人若成就若讀若供
 養若常念誦其人不久速證無上正等菩提
 於時世尊告上首普賢菩薩等善男子此阿
 僧祇俱胝劫積集正等菩提我隨喜於如是

尹三

十五

法要佛加持攝受如來涅槃後末時於瞻部
 洲積集善根有情書寫經卷經於手者若復
 善男子善女人天龍藥叉王大羅刹王積集
 善根獲得無上正等菩提隱身於衆生作加
 護時普賢等上首菩薩白佛言世尊奇哉此
 法教世尊我等為彼勤修頂輪善男子善女

人此如來無數百千那由佗劫所積集無上
菩提我等護持於如是類若受持若讀誦乃
至書寫經卷我等加彼念力由此念力聞如
是類法教若聞圓證當受持讀誦書寫今時
世尊告天衆言天子於法教流轉方所汝等
應作轉法輪想如是善男子正法若供養當

知如供養於我何以故天子法身者是如來
身若供養法即為供養如來今時世尊而說
伽佗

持戒住蘭若 城邑及聚落 若欲上成就
不謗不矯誑 常作於利益

今時世尊告曼殊室利菩薩童子如是修佛

頂真言菩薩摩訶薩獲得如是法修真言行
滿一切菩薩法童子我略說得無量菩薩神
通法於此復說佛頂真言行善巧法時無量
百千菩薩於世尊種種金銀真珠瓔珞從自
頸脫為供養法故捨施供養今時世尊告一
切衆會作是言若有成就此明王於彼菩薩

行從此捨終乃至坐菩提場不墮惡趣不生
下族不弊惡不短壽壽命長遠善成熟有情
成就佛刹不迷惑菩提心所生之處憶宿命
得聞持不忘無盡集會常樂寂靜成就大辯
自在大福妙色不闕減語威肅令人樂聞善
承事一切如來善滿諸波羅蜜善友之所攝

受遠離惡友天龍藥叉部多魅母天毗舍遮
那羅摩睺羅伽等無能沮壞離一切疾病不
非時天死一切明皆得成就一切所發起皆
善能作以善妙方便能成就一切事業善男
子我略說成就頂輪真言者獲得無量功德
福利一切世間書論工巧皆能知乃至坐菩

尹三

十六

提場世尊說是經已彼大菩薩摩訶薩及聲
聞一切天龍藥叉乾闥婆阿脩羅緊那羅摩
睺羅伽人非人等彼一切集會聞佛所說皆
大歡喜信受奉持

一字頂輪王念誦儀軌 依切利香所說經譯
我今說無比力超勝世間出世間真言上上